

FYLGISEÐILL

1. Heiti dýralyfs

Finquel vet. 1.000 mg/g duft fyrir baðlausn, svæfingarlyf fyrir atlantshafslax, regnbogasilung og á tilraunastigi gagnvart þorski.

2. Innihaldslýsing

Virkt efni:

Trikainmesilat 100%

Hvítt eða beinhvítt duft.

3. Markdýrategundir

Atlantshafslax, regnbogasilungur, á tilraunastigi gagnvart þorski.

4. Ábendingar fyrir notkun

Til slævingar og deyfingar á atlantshafslaxi, regnbogasilungi og á tilraunastigi gagnvart þorski, í tengslum við bólusetningu og meðhöndlun (t.d. við flokkun, vigtun, kreistingu klakfiska o.s.frv.

5. Frábendingar

Engar.

6. Sérstök varnaðarorð

Sérstök varnaðarorð:

Öryggi við notkun dýralyfsins við hitastig $<7^{\circ}\text{C}$ og $>17^{\circ}\text{C}$ hefur ekki verið skjalfest.

Sérstakar varúðarreglur til öruggrar notkunar hjá markdýrategundunum:

Á ekki við.

Sérstakar varúðarreglur fyrir þann sem gefur dýrinu lyfið:

Dýralyfið er ertandi komist það í snertingu við augu, öndunarfæri og óvarða húð.

Ef dýralyfið er óvart tekið inn, skal tafarlaust leita til læknis og hafa meðferðis fylgiseðil eða umbúðir dýralyfsins. Komist lyfið í snertingu við augu skal skola með vatni og hafa samband við lækni. Nota skal hlífðarfatnað t.d. hanska og rykgrímu þegar óblandað dýralyfið er handleikið. Nota skal hanska þegar blandað dýralyfið er handleikið og forðast að lyfið berist í augu og munn.

Í einstaka tilfellum geta þeir sem eru með ofnæmi og/eða þeir sem í starfi eru mikið útsettir fyrir lyfinu þróað með sér methemóglóbíndreyra eftir snertingu við dýralyfið.

Sérstakar varúðarreglur til þess að vernda umhverfið:

Ef lyfið berst óþynnt í vatn þarf þynning að verða nægjanleg í vatninu í kringum fiskinn sem á að meðhöndla.

Meðganga og mjólkurgjöf:

Rannsóknir á feithöfða (*Pimephales promelas*) og regnbogasilungi (*O. mykiss*) hafa ekki gefið til kynna neinar fósturskemmdir eða eiturvekanir á fóstur eða móður.

Milliverkanir við önnur lyf og aðrar milliverkanir:

Engar þekktar.

Ofskömmun:

Við ofskömmun skal flytja fiskana yfir í hreint rennandi vatn og tálkn þeirra skuluð þar til eðlilegri öndun er náð.

Ósamrýmanleiki sem skiptir máli:

Ekki má blanda þessu dýralyfi saman við önnur dýralyf, þar sem rannsóknir á samrýmanleika hafa ekki verið gerðar.

Blanda má dýralyfið með jöfnu magni af natríumbíkarbónati til að hlutleysa svæfingarlausnina, með því að tryggja hlutlaus sýrustig.

7. Aukaverkanir

Atlandshafslax, regnbogasilungur og á tilraunastigi gagnvart þorski.

Engar þekktar.

Mikilvægt er að tilkynna aukaverkanir. Þannig er hægt að fylgjast stöðugt með öryggi dýralyfsins. Byrja skal á að gera dýralækni viðvart ef vart verður einhverra aukaverkana, jafnvel aukaverkana sem eru ekki tilgreindar í fylgiseðlinum, eða ef svo virðist sem lyfið hafi ekki tilætluð áhrif. Það er líka hægt að tilkynna aukaverkanir til markaðsleyfishafans eða fulltrúa hans með því að nota upplýsingar um tengiliði sem eru aftast í fylgiseðlinum eða gegnum tilkynningakerfi lyfjafirvalda, www.lyfjastofnun.is.

8. Skammtar fyrir hverja dýrategund, íkomuleiðir og aðferð við lyfjagjöf

Skammtur fyrir lax og regnbogasilung:

Stig svæfingar	Skammtur mg/l	Hámarkstími í svæfingarlausn	Vöknunartími eftir flutning í hreint vatn
Slæving	15 - 30	6 klst.	-
Svæfing	50 - 60	30 mín.	2 - 20 klst.
Hröð svæfing	80 - 135	4 - 12 mín.	3 - 19 mín.

Skammtur fyrir þorsk:

Stig svæfingar	Skammtur mg/l	Hámarkstími í svæfingarlausn	Vöknunartími eftir flutning í hreint vatn
Svæfing	50	5 mín.	U.þ.b. 4 mín.

Úr Finquel vet. er útbúin vatnslausn í þeim styrkleika sem við á og fiskurinn hafður í henni þar til ætluðu svæfingarstigi er náð.

9. Leiðbeiningar um rétta lyfjagjöf

Við notkun dýralyfsins í ferskvatni fæst betri verkun með því að tryggja sem næst hlutlaust sýrustig í lyfjalausninni með hjálp natríumbíkarbónats í jöfnu hlutfalli við dýralyfið.

Þegar útbúin er stofnlausn fyrir Finquel vet. skal veða tilskilið magn duftsins og það sett út í vatn. Stofnlausn fyrir natríumbíkarbónat er útbúin á sama hátt. Þessar stofnlausnir skal alltaf útbúa og geyma aðskildar. Síðan er jöfnu magni af Finquel vet. og bíkarbónatinu blandað í svæfingarkerið. Blandan er tær. Við notkun dýralyfsins í söltu vatni er ekki þörf á sérstakri hlutleysingu sýrustigs eins og lýst er hér að ofan. Stofnlausn skal eingöngu nota sama dag og hún er útbúin. Útþynnta lyfjalausn skal endurnýja nokkrum sinnum á dag.

Útþynnta lyfjablönduna skal súrefnisbæta (>7 mg/l).

Skammtar eru hitastigsháðir. Þegar æskilegum lyfjaáhrifum er náð ber að flytja fiskinn yfir í hreint(lyfjalaust) vatn.

Ráðlagt er að prófa útþynntu lyfjablönduna á nokkrum fiskum þess hóps sem ætlunin er að nota lyfið hjá.

10. Biðtími fyrir afurðanýtingu

Kjöt og innmatur: 25 gráðudagar. Ef þorski er slátrað innan 21 sólarhrings skal lifrinni fargað.

11. Sérstakar varúðarreglur við geymslu

Geymið þar sem börn hvorki ná til né sjá.

Geymið í upprunalegum umbúðum.

Geymið plastfötuna vel lokaða til varnar gegn ljósi og raka.

Ekki skal nota dýralyfið eftir fyrningardagsetningu sem tilgreind er á merkimiðanum.

12. Sérstakar varúðarreglur vegna förgunar

Ekki má skola lyfjum niður í frárennslislagnir eða fleygja með heimilissorpi.

Ónotuðum dýralyfjum og úrgangi sem fellur til við notkun þeirra skal farga í gegnum lyfjaskilakerfi samkvæmt reglum á hverjum stað og því kerfi sem við á í hverju landi. Markmiðið er að vernda umhverfið.

Leitið ráða hjá dýralækni í apóteki um hvernig heppilegast er að farga lyfjum sem hætt er að nota.

13. Flokkun dýralyfsins

Dýralyfið er ávísunarskylt.

14. Markaðsleyfisnúmer og pakkningastærðir

IS/2/11/010/01

Pakkningastærðir: 100 g, 1.000 g.

Ekki er víst að allar pakkningastærðir séu markaðssettar.

15. Dagsetning síðustu endurskoðunar fylgiseðilsins

23. mars 2026

Ítarlegar upplýsingar um dýralyfið eru birtar í gagnagrunni Evrópusambandsins yfir dýralyf (<https://medicines.health.europa.eu/veterinary>).

16. Tengiliðaupplýsingar

Markaðsleyfishafi og tengiliðaupplýsingar til þess að tilkynna grun um aukaverkanir:

Intervet International B.V.

Wim de Kórverstraat 35

5831 AN Boxmeer

Holland

Framleiðandi sem ber ábyrgð á lokasamþykkt:

Curida AS

Solbærvegen 5

2409 Elverum

Noregur